

Bojxona qo‘mitasi tomonidan 2023 yilning 1 yarim yilligi davomida amalga oshirilgan ishlar

Ushbu davrda mamlakatimiz iqtisodiy xavfsizligini ta‘minlash, bojxona tartibotlarini soddalashtirish, O‘zbekistonning eksport salohiyatini yana-da oshirishga qaratilgan keng qamrovli islohotlar amalga oshirildi.

Xususan, Davlatimiz rahbarining 2022 yil 27 apreldagi “Bojxona ma‘muriyatchiligini yana-da takomillashtirishga doir qo‘shimcha chora-tadbirlar to‘g‘risida”gi Farmoni bojxona yuk operatsiyalarini raqamli transformatsiya qilish orqali inson omilini keskin qisqartirish, bojxona sohasini ochiqlik, shaffoflik hamda ishonchlilik tamoyillari asosida korrupsiyadan xoli tizimga aylantirishda muhim o‘rin tutdi.

Tadbirkorlik faoliyatini qo‘llab-quvvatlash maqsadida 2023 yilning 1 yarim yilligida 6,5 mingdan ortiq tashqi iqtisodiy faoliyat qatnashchilariga 24,7 trln so‘m miqdorida bojxona to‘lovlaridan imtiyoz va tarif preferensiyalari qo‘llanildi.

Ushbu davr mobaynida Davlat byudjetiga 25,5 trln so‘m miqdorida bojxona to‘lovlari undirildi.

Shuningdek, tadbirkorlarga 4 trln so‘m miqdoridagi bojxona to‘lovlarini kechiktirib to‘lashga ruxsat berildi.

Imtiyoz va preferensiyalar, kechiktirishga ruxsat berilgan bojxona to‘lovlarining miqdori o‘tgan yilning shu davriga nisbatan 11 foizga yoki 2,9 trln so‘mga oshdi.

Tadbirkorlarga berilayotgan ushbu imtiyozlar ularning aylanma mablag‘larini ortishiga, yangi ish o‘rinlari yaratilishi hamda korxonalarining eksport salohiyati yuksalishiga xizmat qilmoqda.

Tizimda raqamli bojxona tamoyilini keng joriy qilish hamda tadbirkorlarga qo‘shimcha qulayliklar yaratish maqsadida “Bojxona to‘lovlarini kechiktirib yoki bo‘lib to‘lash”, “Tashqi iqtisodiy faoliyat ishtirokchilarining pul mablag‘larini qaytarish” interaktiv xizmatlari amaliyotga kiritildi.

Bojxona ko‘rigi samaradorligini oshirish maqsadida “Bojxona ko‘rigi” axborot tizimi ishlab chiqilib, amaliyotga joriy etildi.

Tadbirkorlarga sifatli bojxona xizmatlarini ko‘rsatish maqsadida tashqi iqtisodiy faoliyat tovarlar nomenklaturasi kodi bo‘yicha dastlabki qaror berish jarayonlari raqamlashtirilib, 2 170 ta dastlabki qarorlar qabul qilindi;

Bojxona organlariga xalqaro kuryerlik jo‘natmalariga oid elektron ma‘lumotlar taqdim etilishini ta‘minlash maqsadida “Ye-tranzit” dasturi doirasida “Ye-tijorat” moduli ishlab chiqildi.

Tovarlarni bojxona ekspertizasidan o‘tkazish jarayonlarini raqamlashtirish maqsadida, “Ye-ekspert” axborot tizimi amaliyotga joriy etildi.

O‘tgan yilning shu davriga nisbatan tashqi savdo aylanmasi 20 foizga yoki 4 mlrd dollarga, harakatlangan avtotransport va temir yo‘l vagonlari soni 49 foizga yoki 640 mingtaga, yo‘lovchilar soni 2,5 barobarga yoki 12,5 mln nafarga ortgan bo‘lsada, sohani raqamlashtirish hisobiga:

- bojxona rasmiylashtiruv vaqti 2 barobarga qisqardi
- import tovarlarining 80 foizi va eksport tovarlarining 89 foizi soddalashtirilgan tartibda rasmiylashtirildi.
- yuk deklaratsiyalarini inson omilisiz avtomatik rasmiylashtirish hajmi 29 foizga yetkazilib, bu ko‘rsatkich eksportda 85 foizni tashkil qilmoqda.

Xalqaro huquqiy bazani kengaytirish borasida Xitoy, Saudiya Arabistoni, Qatar va Qirg'iz Respublikasi bilan bojxona sohasiga oid 4 ta xalqaro hujjatlar imzolandi;

Sohaga 2,8 mln doll. miqdoridagi grantlar jalb qilinib, bojxona obyektlari zarur nazorat-texnik vositalari bilan ta'minlandi.

Xavflarni boshqarish va yashirin iqtisodiyotga qarshi kurashish, aholi sog'ligi va xavfsizligini ta'minlash maqsadida:

bojxona organlari tomonidan ushbu davrda jami 9 915 ta qonunbuzarlik holatlari aniqlanib, 496 mlrd so'mlik tovarlarning noqonuniy aylanmasiga chek qo'yildi.

632 mlrd so'm qo'shimcha bojxona to'lovlari undirildi.

Shuningdek, qariyb 205 kg giyohvandlik vositalari, 124,5 ming dona kuchli ta'sir etuvchi va 2 206 dona psixotrop moddalar, shuningdek, 441 dona o'q, 643 dona gilza va 12 dona qurollar ushlab qolindi.

Umumiy qiymati 37,5 mlrd so'mni tashkil etuvchi, 1 mln.600 ming quti tamaki mahsulotlarining noqonuniy aylanmasiga chek qo'yildi.

Xalqimizning boy madaniy va tarixiy merosini asrab qolish maqsadida 2 614 dona madaniy boyliklarning bojxona chegaralari orqali noqonuniy olib o'tilishining oldi olindi.

Shuningdek, bojxona organlari tomonidan hududlarni ijtimoiy-iqtisodiy rivojlantirish, aholi turmush darajasini yaxshilash borasidagi amaliy ishlar izchillik bilan davom ettirilmoqda.

Xususan, Tibbiy-ijtimoiy muassasalarning moddiy-texnik bazasi va infratuzilmasini yaxshilash maqsadida Toshkent shahri, Farg'ona, Jizzax va Sirdaryo viloyatlaridagi 6 ta "Saxovat" va "Muruvvat" internat uylarida mukammal ta'mirlash hamda rekonstruksiya ishlari davom ettirilmoqda.

Respublikamiz miqyosida qayta tiklanuvchi energiya manbalari joriy etilishini nazorat qilish yo'nalishida

Davlatimiz Rahbarining 2023 yil 16 fevraldagi 57-son qarori ijrosini ta'minlash maqsadida:

Energetika va Qurilish vazirliklari, Bojxona qo'mitasi rahbarlaridan iborat Respublika shtabi hamda quyosh panellarini o'rnatish ishlarini muvofiqlashtirish bo'yicha bojxona xodimlaridan iborat ishchi guruhlar tashkil etilib, 37 mingga yaqin obyektlar monitoring qilindi.

Quyosh panellarini o'rnatish va bu borada haqqoniy hisobotlar yuritilishini ta'minlash maqsadida bojxona organlari tomonidan "Yashil energiya" axborot tizimi ishlab chiqildi.

Ushbu axborot tizimida joriy yilda qurib foydalanishga topshiriladigan ko'p qavatli uylar, ijtimoiy soha obyektlari va davlat idoralari binolari, aholi xonadonlari hamda tadbirkorlik subyektlarining bino va inshootlarida bugungi kunga qadar o'rnatilgan umumiy quvvati 219,1 MVtni tashkil etuvchi muqobil energiya manbalari to'g'risidagi ma'lumotlar qayd etildi.